



Mawrth 31ain 2019



Croeso cynnes i chi gyd y bore 'ma. Diolch i Allan James am y myfyrdod ac i Lyn West am llywyddu. Eleri Huws sy'n cyfeilio.

Yr Wythnosau Nesaf

Ebrill 7ed - Cynan Llwyd, sy'n gweithio i Gymorth Cristnogol gyda Lowri Roberts a Rhiannon yn cyfeilio

Ebrill 14eg - Y Parchg. Aled Edwards gyda Nia Williams, ac Eleri yn cyfeilio

Ebrill 21ain - Sul Teuluol gyda Heulyn a Catrin gyda Siân yn cyfeilio

Ebrill 28ain - Geraint a Caroline Rees gyda Bethan yn cyfeilio

Mai 5ed Sul Pentrefi Creigiau a Groesfaen

Mai 12ed Sul Cymorth Cristnogol: Pwyllgor Cyfiawnder Cymdeithasol

Mai 19eg Sul Teuluol gyda Lyn a Mike West a Gwilym a Beti

Mai 26 Gethin Rhys, gyda Keith Rowlands yn llywyddu

Mehfin 2il Sul Pentrefi Llantrisant, Llanharan a Meisgyn

Mehfin 9ed Aled Edwards gyda Gwerfyl Morse yn llywyddu

Bwcio'r Capel neu'r Ganolfan:
carolinerees2@hotmail.com

Dros y misoedd diwethaf derbynion ni sawl galwad ffôn gan aelodau'r capel oedd am ddweud eu bod wedi diffodd y goleuadau a chloi'r ganolfan/capel wedi bod yno a dod o hyd i'r lle ar agor. Tra'n gwerthfawrogi'r consyrn, gofynnwn yn daer i chi beidio a chloi, gan fod yr adeilad gan amlaf newydd ei agor ar gyfer grwpiau sydd yn mynd i fod yno ymhen cyfnod byr. Mae defnydd trwm ar y lle ar hyn o bryd – weithiau 3 grŵp gwahanol ar yr un diwrnod. Os ydych byth yn pryderu, mae croeso i chi decstio Caroline ar 07539452130

Bwrdd y Cyfarwyddwyr

Dymunwn bob cefnogaeth i Bethan Roberts a'r teulu ac yn arbennig i'w thad sydd wedi bod yn yr ysbyty ers rhai wythnosau.



Estynnir gwahoddiad i fynychu noson yng nghwmni Dr Rowan Williams, Cadeirydd Bwrdd Ymddiriedolwyr Cymorth Cristnogol, ac Amanda Mukwashi, y Prif Weithredwr **am 7.30 nos Lun 1 Ebrill**

yn Ararat, Eglwys y Bedyddwyr, Yr Eglwys Newydd, Caerdydd i gyd-fynd gyda lansiad eu strategaeth fyd- eang dros y cyfnod 2019-26 i ddileu tlodi eithafol trwy geisio urddas, cydraddoldeb a chyfiawnder i bawb. Bydd yna gyfle i holi'r ddau siaradwr ac i'r eglwysi ystyried y rôl nodedig sydd gan Gymru i'w chwarae.

Os ydych yn dymuno mynychu'r cyfarfod dylech gysylltu gyda Janet Evans, Cymorth Cristnogol Cymru erbyn 15 Mawrth: jevans@cymorth-cristnogol.org Ffôn: 029 2084 4646.

NOSON CYRI GYDA'R TWMIAID I GODI ARIAN AT ELUSENNAU'R CAPEL YN INDIAAH, PONTYCLUN
Nos Iau, Ebrill 11, o 7 o'r gloch
Diddanwch gan y Twmiaid
£15 y pen am 2 gwrs
Plis ffoniwch: 07854823821 neu heulynrees@hotmail.com

MERCHED Y TABERNAACL

Dydd Iau, 11eg Ebrill
am 11.00. a.m.

Amgueddfa Genedlaethol Cymru
Arddangosfa o waith Kyffin Williams.
Fe fydd un o'r staff yn tywys ni o gwmpas.
Enwau i Eifiona Hewitt o g yn dda ar
07792798093

Cynhelir cyfarfod nesaf Bwrdd y Cyfarwyddwyr nos Fawrth 2 Ebrill. Os oes gan unrhyw un fater i'w godi neu adroddiad i'w gyflwyno cysylltwch gyda Gwilym (01970 225205 / 07710 237327 gehpengwern@yahoo.co.uk) erbyn dydd Llun 1 Ebrill.

ELUSENNAU 2019

Dyma'r elusennau y byddwn yn eu cefnogi drwy gasgliad yr amlenni brown eleni:
Gofalwyr Ifanc Rhondda Cynon Taf
Adref, Ysgol Tŷ Coch
Cymorth i Ferched Cymru & CRICA
Mae pedair o'r rhain yn lleol ac yn gwerthfawrogi ein cefnogaeth gyson. Mae CRICA yn ymchwilio i Glefyd Crohn ac yn cefnogi plant a phobl ifanc sy'n dioddef o'r cyflwr.

Y Rhestrau: Blodau a Croesawu

Mae nifer o Suliau heb flodau a chroesawyr ar y rhestrau sydd wrth ddrws y Capel. Mae gwahoddiad cynnes i chi dorri eich henw. Diolch yn fawr i bawb sydd wedi gwneud yn barod.

APÊL SEICLON IDAI

Mae DEC, sy'n gyfuniad o 14 asiantaeth elusennol (yn cynnwys Cymorth Cristnogol) yng Ngwledydd Prydain, yn gweithredu yn ne ddwyrain Affrica ar fyrder yn y maes, ac yn apelio am ein cymorth. Mae'r brys yn amlwg, a'r dulliau cyfrannu yn effeithiol:

Ffôn: 0370 60 60 610 neu 01726 986 461

Ar-lein: dec.org.uk

Postio: P O Box 999, Llundain EC 3A 3AA

Dyfyniad yr Wythnos, gan Brian Zahnd

Ry'n ni gyd yn gwneud smonach o ddiwinyddiaeth – chi a fi. Felly fy argymhelliad yw ein bod ni'n rhoi'r ystyriaeth gyntaf i gariad. Pam? Achos nid athrawiaeth yw Duw, nac enwad ychwaith. Nid rhyfel yw Duw, na chyfraith, ac nid casineb. Nid uffern yw Duw chwaith.....achos Duw, cariad yw.

CASGLIADAU DILLAD A NWYDDAU

Mae'r casgliadau ar gyfer Adref, Nantgwyn, a Cwtch yn dal yn weithredol eleni. Diolch yn fawr iawn i chi i gyd am eich cyfraniadau cyson i'r elusennau allweddol yma. Maen nhw'n hynod werthfawrogi o'n cefnogaeth.

CYFAMOD EGLWYSIG Y TABERNAACL: 'Rydym yn gymuned o bobl sydd wedi ymrwymo yn wirfoddol i geisio tyfu gyda'n gilydd mewn dealltwriaeth a gallu i ymarfer dysgeidiaeth ac ysbryd yr Iesu.

Y FYNWENT A'R RHANDIR

Datblygiadau'r Fynwent a'r Rhandir Mae'n bosib nad yw pawb yn ymwybodol o'r gwaith clirio anhygoel a gwblhawyd dros fisoedd y gaeaf gan dîm bach iawn o wirfoddolwyr ym mynwent a rhandir y capel. Mae gennym le i ddiolch iddynt am roi wythnosau o'u hamser i gyflawni'r gwaith anodd o docio, clirio a llosgi'r holl ddrain a'r mieri oedd wedi cael rhwydd hynt i ffynnu ers blynnydoedd lawer. Pan ddaw cyfle cofiwch ddiolch i'r pedwar fu'n llafurio mor ddiwyd sef Emlyn 'Pens' Jones, Edwyn Evans, Mike West a John 'Llew' Thomas.

Ond nid dyma eu hunig gymwynas i ni gan iddynt hefyd gyflwyno adroddiad cynhwysfawr i Fwrdd y Cyfarwyddwyr ar ddechrau'r cynllun yn dangos y ffordd i fynd ati i gwblhau ail gymal y gwaith sef ehangu'r fynwent a chryfhau rheolaeth o'r rhandir. Wedi derbyn sêl bendith y Bwrdd i'w hargymhellion maent wedi bwrw ati yn ddiymdroi i drefnu bod contractwr yn dod a'u peiriannau pwrpasol i dorri rhai o'r coed mwyaf yn y fynwent, symud tunelli o bridd rhydd o'r rhandir er mwyn gwastadau'r tir yn ardal bellaf y fynwent a chludo gweddill y pridd rhydd i ben pellaf y rhandir. Bellach mae'r cynllun hefyd yn cynnwys creu lle parcio i nifer cyfyngedig o gerbydau ar dir y rhandir yn agos at y fynedfa. Dros yr wythnosau nesaf gallwch ddisgwyl tipyn o brysurdeb o amgylch y capel ac felly mae'n bwysig iawn bod yn ofalus os byddwch yn ymweld â'r fynwent neu'r rhandir yn ystod y cyfnod hwn.